

文殊師利佛土嚴淨經

下

八十六  
服六

47641




元祿九年丙子二月日重修

皇圖聖圖 帝潛殿呂

佛日增輝 懋輪常轉

山城州天安寺法金剛院置





文殊師利佛土嚴淨經卷下

西晉三藏竺法護

譯

服

於時師子步雷音菩薩復問文殊師利發意  
久如應發道心文殊師利答曰止族姓子勿  
懷妄想一切諸法皆無所生假使有說我發  
道心吾當行道墮大邪見所以者何今觀察

心都永不見心發道意亦復不觀彼發道心  
者也吾亦不見道心所存吾由是故不發道  
心又問仁者以無所見今何以故宣此章句  
文殊答曰無所見者乃為等教無所見趣名  
是章句平等言詞又問何故言曰起平等乎  
文殊答曰如族姓子所言等者無若干故其





平等者彼無行法於其平等無有譬喻不見  
諸法是乃平等若宣斯訓則宣一業若寂然  
業無有塵勞不為瞋恨而說經法不有斷滅  
不計有常不起不滅不有吾我亦無所受不  
舉不下不高不卑雖有所說無有妄想亦無  
思求若族姓子有曉此法而奉行者乃曰平  
等又有菩薩廣入於法不見若干亦復非一  
乃曰平等其平等者則無偏黨其無偏黨是  
其清淨於時師子步雷音菩薩前白佛言唯  
然世尊文殊師利所說巍巍乃如是乎發道  
心以來為幾何耶眾會思渴願樂欲聞佛言  
族姓子文殊師利在深妙忍所入深忍不建



得道亦不得佛復不得心以無所得故不說  
之久如發心為發道意惟佛今當為汝解說  
本初發心乃往過去七千阿僧祇恒河沙劫  
乃余世時有佛号雷音響如來至真等正覺  
乃在東方去此七十二娑佛土世界名曰快  
成其弗上在皮狂宣道教弟子聲聞八十四  
億百千姪眾諸菩薩等復倍是數時有轉輪  
聖王名曰安拔号為法王治以正法王四天  
下王有七寶聖王尔時往詣雷音響如來所  
供養盡意八万四千歲隨其所安王心念言  
我已積功德行難量不用斯心寧以德本普  
修勸助復更思惟以德勸助當求何勸天帝

梵王号轉輪聖王聲聞緣覺耶適發是意上  
虛空中演大音聲大王如是莫興賤意當發  
無上正直真道心王聞是言即時大悅王弘慈  
心不轉道意所以者何用其天人開示意故  
知我心念時安拔王與大眾俱九十六億姪  
人往詣雷音如來稽首足下右遶七匝退  
任一面以偈歎曰  
欲問殊勝法以竒雅答我云何仁在世  
而致最超異以普俱供養自歸於世護  
用無所著心永無所勸助世尊察知之  
吾獨寂發心以興廣供養云何勸助之  
志天帝梵王為四方之主若求於聲聞



當募緣覺乘

我適發是念

空中宣洪音

仁者慎莫得

勸助下劣心

當為一切故

興發微妙心

開顯大道意

饒益於世間

今欲問於佛

在諸法自由

云何起發心

不失於道意

惟說斯義趣

何因建是處

如我所像人

而發菩薩心

天中尊願說

宣上妙章句

大王且聽之

當宣以漸訓

愍哀於衆生

樂住于法本

如所誓志願

輒得成所趣

吾亦往宿世

因發起道心

愍哀於衆生

而興斯誓願

如本所志願

亦若心所念

建無動佛道

在世家上聖

大王當強志

造立極上心

若修諸正行

仁亦當成佛

以聞是言教

王意便欣然

在一切普世

須宣師子吼

假使於本際

不知生死元

為一一人行

如若于眾生

今發于道心

在一切世前

普請於眾生

今不墮貧賤

從今日已往

假使生欲心

轉當欺諸佛

現在十方聖

若生瞋恨狀

嫉妬及貪苦

未曾犯不可

至誠人中尊

常當修梵行

棄欲捨穢惡

當學於諸佛

戒禁調和性

不以斯四色

疾成佛正覺

用一切之故

當行於本際

常淨嚴佛土

無限不可議

當宣傳名稱

通徹于十方

唯聖見授慧

成佛人中上

令其心清淨



永無衆猶豫 常修治身行 口言亦如是

亦當淨心念 不犯衆瑕疵 假使我成佛

在世人中尊 以是正真言 地當六反動

設我言至誠 真正不虛詐 由是見證明

虛空宣伎樂 若實不諛諂 無貪嫉不厭

以是誠信故 雨清淨意華 適宣斯言已

至誠言無異 十方億萬國 則六反震動

於上虛空中 有巨億音樂 天雨雜香華

積地四丈九 其王以學是 二十億衆人

口宣柔和音 必成佛上道 二十億衆等

一切建佛道 見王發大道 亦效學洪業

佛語師子步 雷音菩薩欲知 爾時安拔王乎

答曰不及也佛言則今文殊師利身是也發  
道心已來如十千阿僧祇江河沙劫佛土滿  
中塵逮無所從生法忍已過六十四江河沙  
劫於彼世尊則具十住成就十力普備一切  
諸佛道地辯諸佛法從初已來未曾一反生  
心而有發意也皆以逮致無上正真之道為  
最正覺我亦不念言當云何成最正覺其二  
十億人在往古雷音響如來所發道心者悉  
已逮致無上正真之道成最正覺已轉法輪  
為諸衆生興立佛事滅度去已悉是文殊師  
利之所勸發皆悉供養勤修衆行六度無極  
普以執持傳宣正法於今現在適有一佛說



法未滅度耳下方界分去是四十四江河沙  
等佛土有世界名地底其佛号持地如來至  
真等正覺今現在說法與無央數諸聲聞俱  
其壽無限佛說是往古喻時七千人皆發無  
上正真道意於是師子步雷音菩薩問文殊  
師利仁者在往古佛具一切法如來十力已  
備十地用何等故不成正覺文殊師利答曰  
不以往古過去諸佛一切諸法成最正覺所  
以然者此言得道則為不得亦無所逮又問  
云何具足佛法答曰具本無故又問云何具  
足本無答曰備悉虛空乃具本無曉了虛空  
及諸佛法本無之義等無有二不可分別又

問云何以具一切諸法答曰具足五陰乃能  
具足三界一切普備十方諸佛之法又問云  
何具足諸色答曰仁者見色色有常乎若無  
常耶答曰不也曰諸法有常若無常乎又彼  
五陰有增有減耶答曰不也文殊師利曰是  
故族姓子若於諸法不增不減故曰具足曰  
何以具足答曰備諸法慧所不解亦如如慧  
不轉尔乃不知諸妄想處以無妄想不造具  
損其不具損乃曰平等是故族姓子等見諸  
色尔乃等見一切諸法痛想行識亦復如是  
等無有異於是師子步雷音菩薩問文殊師  
利又察仁者逮得法忍以來久遠懸絕迥邈



魏魏如是不一發心吾當得道仁者去何勸  
化衆生使發道心答曰吾不勸衆生今發道  
心又問何故答曰衆生不實衆生寂寞所在  
顛倒故勸化之今發道心假使衆生不處顛  
倒則無有道何所發乎吾以是故不勸衆生  
使發道心亦不化之今志求道所以然者無  
所想者乃曰平等其平等義無所志求亦不  
退轉是故名曰無所歸趣無所從來當觀生  
死所謂平等斯章句空空無志求又族姓子  
向者所問逮得法忍以來久遠懸絕迥邈魏  
魏如是不一發心吾當得佛卿寧見心以何  
等心得成佛道答曰不也所以者何心者無

形不可覩見道亦復然亦無形色復不可見  
所以道者假有号耳所曰言心及與佛道是  
悉假託是故族姓子吾宣斯辞不一發心吾  
當得佛其無發心以無所生亦無所毀以無  
所生無所毀者乃名曰逮又問何所是時曰  
約時乃曰為時耶荅曰族姓子所云時者暢  
平等覺所可覺者不增不損永不起相亦無  
所滅余乃名曰隨其等時其不妄想本無本  
是則名曰隨等時也若逮正見等於平等達  
於諸法都無所獲則不造計若干種品一無  
所念乃名曰隨等時也若身證明一切諸法  
諸所相者皆為法相曉了如是故有心者若



無有相則無所倚余乃名曰等隨時矣又問  
何謂爲逮文殊師利荅曰無所行也謂名所  
迹故曰爲逮而於三界悉無所行假有斯辭  
其得塵勞則不能逮所以然者意無所存斯  
法無言以是之故不可逮得又族姓子無所  
得有乃曰爲逮其無所言則不逮法便無所  
住者不得法乃曰爲逮於時師子步雷音菩  
薩前白佛言善哉善哉世尊惟如來說文殊  
師利成佛道時國土何類佛告之曰汝以是  
語問於文殊師利即受佛教問文殊師利曰  
仁成佛時國土何類文殊師利荅曰族姓子  
若人好樂佛道者當問成佛國土何類又問

文殊師利仁者不樂佛國土乎荅曰不也又  
問何故荅曰其有所樂則為樂欲其樂欲者  
則有恩愛其恩愛者則有所受若有所受則  
有苦患其苦患者則無有護是故吾身不成  
正覺所以者何無所得故若不得道是故無  
樂又如向者仁之所言國土何類說其本末  
吾不堪任自虧其身所以者何若有菩薩用  
歎已故便自虧滅佛及國土功勳嚴淨面見  
如來無極法藏時佛告曰文殊師利宜用時  
說成已佛土功勳嚴淨以何志願如來聽之  
或有從仁聞說所願諸餘菩薩緣是發意具  
足斯業文殊師利荅曰唯然不敢違教即從



座起偏袒右臂右膝著地叉手白佛惟承聖  
旨今當宣之若族姓子及族姓女求佛道者  
且共聽之聞已具得行是所願應時十方各  
如江河沙諸佛國土六反震動時文殊師利  
復白佛言唯然世尊我之本願如佛所言從  
如七千阿僧祇江河沙劫行菩薩業不成道  
場不致正覺道眼徹視先覩十方悉見諸佛  
普勸化一切衆生悉成佛道吾心堅住咸開  
化之布施持戒忍辱精進一心智慧而勸助  
之皆是吾身之所勸化唯然大聖今觀十方  
以無罣礙清淨明眼所見諸佛皆以勸助建  
立無上正真之道斯等皆辨乃吾成無上正

真之道為最正覺也雖有是言故尔續立不成正覺假使所願若具足者乃成佛耳時彼眾會諸菩薩等各心念言文殊師利前後所見諸佛世尊為幾何乎時佛即知諸菩薩眾心之所念告師子步雷音菩薩曰猶如族姓子有一丈夫出現於世取是三千大千佛土滿其中塵取破碎之一一諸塵各各碎之各如一佛國滿中諸塵族姓子所趣云何豈寧有人知是塵數多少者不荅曰無能知者天中之天佛言假使族姓子悉能曉了如是塵數佛國多少不足言也文殊師利明眼所覩十方佛土所見過是塵數之國百倍千倍万



倍億倍巨億万倍非載劫數不可限無量無  
邊所願如是不成正覺正使佛國如江河沙  
周币十方滿中佛樹一一樹下有坐菩薩須  
臾一時皆成無上正覺之道逮最正覺臨滅  
度時不須佛樹道場起焉普為一切復過十  
方不可計量諸佛國土化於衆生說法使度  
所願巍巍致此佛國乃成佛道使其國中無  
有聲聞緣覺之名純諸菩薩滅除疲厭瞋恨  
之難淨修梵行周币佛土悉復不聞女人之  
名使諸菩薩皆得化生身被法服跏趺而坐  
佛國嚴淨純諸菩薩熾盛巍巍除小乘法於  
是師子步雷音菩薩前白佛言成佛之時所

号云何佛言名曰普現如來至真等正覺所以号曰普現者何其佛功德普現十方無限國土其有得見普現如來若覩光明皆當得前逮成無上正真之道於今若佛滅度之後得聞將來普現佛名亦當得決然後成無上正真之道除入滅志得道迹者文殊師利復

白佛言唯然世尊我所誓願得成佛時生我國者令無飢渴飲食之想衆味饌具自然滿鉢在於右掌適在掌中心則發念不先供養十方諸佛聲聞緣覺及諸貧匱危厄乞丐下劣衆生先自食者則爲不宜先飽一切然後乃食尋如所念神通備足在所至湊無有罣



礙行疾如風所念即到十方供養諸佛下徧  
衆生寶衣法服俱亦復然先供養諸佛次及  
所尊窮賤下劣皆先使安無有八難衆苦惱  
患語則可意不聞惡言學無禁戒是非之音  
無尊無卑無富無貧其生我國皆同一倫於  
持師子步雷音菩薩前白佛言今時彼土無  
名号字佛言如本誓願所志具足世界名曰  
離塵垢心復白佛言在於何方佛言在於南  
方去是忍界極在其邊衆妙好寶摩尼明珠  
合成佛土十方一切未曾見聞奇珍衆寶流  
布徧現未曾朽敗而有減損菩薩所作欲令  
其地化成衆寶如念即成在作何寶衆妙香

華所欲備有亦無日月明冥晝夜若樂菩薩  
身光所照隨意惟華開合別異晝夜無有寒  
暑老病死事惟行菩薩便成正覺若至他方  
亦無異業天上世間悉行菩薩臨命終歿皆  
成正覺無有終歿無中滅度虛空之中不見  
皮樂悲和之音自然而作其音不宣愛欲之  
辭恒出佛法六度無極菩薩箴藏經法之音  
隨意所好聞經法音如念即解皆發正覺見  
佛疑滅聞經解達於時會中有無央數諸菩  
薩衆同時舉聲磬揚大音佛聞是号適得其  
宜名曰普現無違道教若有衆生聞普現名  
乃獲快利無極之慶況生其國得見普現值



遇神化法則其行若有聞是所說決者則為  
見佛聞經入心藏之不忘但逮得聞文殊師  
利成佛名德巍巍乃尔何況目見時佛告是  
諸菩薩曰若有得聞百千億佛名号功稱利  
益衆生開化度人不如文殊師利一一劫中  
化導衆生永安無患何況得遇普現如來其  
慶無喻誠如所云於是衆會聞佛讚是諸菩  
薩言應時座中諸天神王及世間人各万亿  
姪俱時稽首禮文殊師利同發聲言今自歸  
命普現如來自歸適訖便有八万四千姪衆  
皆發無上正真道意餘無量人積衆德本立  
不退轉時文殊師利復白佛言今我願是諸

不可計無量佛土功勳嚴淨目之所覩由從  
所願瑞應處所皆便合并成一佛土不計聲  
聞緣覺嚴淨五濁惡世發意之頃正使我身  
江河沙劫稱歎諸國功勳嚴淨無有限量不  
得其底我所誓願復過越彼無能究竟證明  
我者獨佛縷練明知我耳佛言善哉誠如仁  
言如來通慧三達無礙真尔真尔等無有異  
尔時會中諸菩薩衆又心念言如佛咨嗟文  
殊師利成佛國時功勳嚴淨何如西方安養  
世界無量壽佛嚴淨等不時佛即知諸菩薩  
心便告師子步雷音菩薩欲知西方安養世  
界無量壽佛功勳嚴淨比於文殊師利難以



喻哉假譬言之如取一毛破爲百分以一毛分取海水一滴無量壽佛如一分毛水一滴耳文殊師利成佛汪洋如海魏魏蕩蕩不可思議於時師子步雷音菩薩前白佛言曾頗有餘方如來國土嚴淨如是者不佛言有東方去是百億江河沙界名曰超立願其佛名普照常明德海王如來至真等正覺與諸菩薩眷屬圍遶而說法經興演已來江河沙劫其佛壽命亦無有限比普現國嚴淨正等有四菩薩被弘誓鎧得不可議又白佛言惟願加哀宣布未聞具說普照常明德海王如來其土嚴淨又四菩薩名号何等在於何方

遊何佛土淨德普備能具斯處佛言第一菩薩名曰光英遊於東方無憂首如來佛土第二菩薩名曰慧上在於南方慧王如來佛土第三菩薩名曰寂根在於西方智積如來佛土第四菩薩名曰意願在於北方鈎鎖如來佛土於時世尊即如其像三昧正受其三昧名悉現嚴淨應時見東方普照常明德海王如來佛土及諸菩薩功勳嚴淨自昔已來所希見聞譬如掌中視寶珠耳如普現佛國土無異衆會覩之莫不欣喜誠如世尊所言無有異也世尊即便告諸菩薩當如文殊師利所行爲法諸菩薩衆同發聲曰唯然受教常



學文殊師利本發心行成就嚴淨不敢懈廢  
於時世尊尋便欣笑光從口出五色晃晃普  
照十方掩覆日月繞身三帀還從頂入弥勒  
菩薩即從座起長跪叉手前問佛曰佛不妄  
笑笑必有意是何因緣願佛說之佛言弥勒  
向佛說法現三昧力皆見東方普照佛國具  
足備悉嚴淨功德衆會欣悅誓願志學今現  
八万四千菩薩咸共發心成嚴淨國復有菩  
薩八万四千十六正士發仁慈心性弱和雅  
所願具足斯等如是當逮文殊師利其餘菩  
薩不能若斯雖介緣是功德福疾成無上正  
真之道爲最正覺國土成就不及文殊師利

嚴淨之德佛言彌勒若有菩薩心性至真口  
宣誓願不犯本心亦當具足如文殊師利身  
其心怯弱而有信樂緣是口勇宣辭誓願轉  
得超越六十萬億劫終始之難六度無極  
則以具足時四菩薩各從其方化作重閣衆  
寶校絡各從諸天無數百千兩衆天華鼓衆  
音樂神足威變地爲動震四面俱進來趣出  
尊光照衆會見莫不欣彌勒長跪而白佛言  
今地大動天華紛紛重閣晃曜四方來臻鼓  
樂絃歌天香苾芴此何瑞應誰之威神佛言  
彌勒是四菩薩即來見佛用自神力感動衆  
會故現此瑞勸化於法時四菩薩即進詣佛



稽首禮足繞佛三匝佛命使坐退而就榻時  
佛宣告諸會菩薩此四正士多所勸發興建  
誓願不可稱計設族姓子謙敬渴仰於此正  
士因問法義疑網永止行菩薩業滅除終始  
必逮無上正直之道超二十億劫周旋之惱  
普具諸法六度無極若有女人聞是正士名  
号之稱速轉女身疾解正覺尔時世尊殷復  
威神一切衆會還自如故彼佛國土忽然不  
現於是文殊師利前白佛言唯然世尊一切  
諸法猶若如幻如師所作適起尋滅諸法展  
轉亦復如是其不起滅乃曰平等平等學者  
必逮正覺逮正覺已度脫一切慧上菩薩問

文殊師利曰菩薩何行而成正覺文殊師利  
荅曰無逮無失是曰正覺慧上又問寧可復  
得可不逮乎亦復無乎若不逮有則無有衆  
不可逮衆文殊師利荅曰亦不可逮亦復不  
無所以不逮是諸法過悉無所生初無所有  
非方當有不懷無得文殊師利又復問慧上  
曰何所一業敷演經法於是慧上荅曰其無  
所生亦無所壞不造異住是曰一業敷演經  
法光英菩薩曰其無來無往是曰一業敷演  
經法寂根菩薩曰其無所得亦無所等亦不  
造證亦不寂然亦無悞怕無去來今是曰一  
業敷演經法意願菩薩曰其不妄想佛法聖



衆不念菩薩無國土想無地獄念不斷章句  
不猗有常是曰一業敷演經法弥勒菩薩曰  
不見五陰衰入諸種不視不盲無妄想法不  
暢入法不積不捨是曰一業敷演經法師子  
步雷音菩薩曰其於亂法而無所亂不造若  
干是凡夫法斯習學法此諸佛法不懷妄想  
不受一法其業寂寞是曰一業敷演經法見  
愛菩薩曰其逮本無不想本無斯深妙法悉  
無妄想是曰一業敷演經法無礙辯菩薩曰  
諸法皆盡究竟盡者乃曰無盡演一切法不  
可盡者是曰一業敷演經法善心念菩薩曰  
其於諸念而無所思若有所入亦無有心不

得不失是曰一業敷演經法覺離塵菩薩曰  
於諸塵法而無所染亦無不染不著不憂不  
忘不念不作無不作不取不捨是曰一業敷  
演經法海底菩薩曰其志如海永難得底深  
入法要不有妄想如所應行而班宣法不我  
無彼是曰一業敷演經法十上月童真菩薩

曰普等衆生若如月滿心不見等等無所等  
是曰一業敷演經法消諸憂真菩薩曰其能  
休息一切憂瘡不憂不感以能割除衆憤諸  
本何所是本吾我之本其有等任於吾我行  
而說法者是曰一業敷演經法鉤鎖菩薩曰  
若說於法其不倚著欲界色界及無色界不



著聲聞緣覺之法不慕佛道是曰一業敷演  
經法普現菩薩曰等宣諸法等于空無不念  
於空不得平等所說如是是曰一業敷演經  
法三品淨菩薩曰其講說法淨三品場何謂  
三場不得吾我不想法會不猗諸法是曰三  
場清淨之業宣布法訓如斯說者是曰一業  
敷演經法在所吉菩薩曰知一切法歸於平  
等若曉了斯而爲分別不宣文字以無所宣  
一切諸法是曰一業敷演經法深行菩薩曰  
若有覩見一切諸法亦無所見若講如是言  
辭是曰一業敷演經法如是要言一切菩薩  
各言其志說是一等經典法時七千億菩薩

逮得無所從生法忍八十万四千姪人皆發  
無上正直道意七千比丘漏盡意解九十六  
載諸天世人遠塵離垢諸法法眼生於是師  
子步雷音菩薩前白佛言文殊師利成普現  
佛時諸菩薩能有幾所其壽久如何時成佛  
佛言卿自以是問於文殊師利即如佛教問  
文殊師利曰仁當久如成最正覺文殊師利  
答曰虛空有形乃成正覺假使幻人成佛道  
者我身尔乃無著漏盡成最正覺若呼有形  
而響有影月能晝明日而夜照尔乃我身成  
最正覺志求道者乃當問之成佛之期又問  
仁者爲不志求道答曰不也曰何以故答曰



道是文殊文殊是道所以者何假有号耳文  
殊及道其名寂寞了無解空空則曰道佛告  
師子步雷音菩薩言寧曾見聞無量壽佛國  
中菩薩聲聞衆不答曰唯然亦見亦聞佛言  
爲多少乎答曰不可思議不能稱限佛言普  
現佛國菩薩之數喻如積塵滿十方界無量  
壽佛菩薩聲聞比數多少如一塵耳又普現  
佛壽命無限取譬言之破碎十方三千世界  
皆使作塵布散此塵過千佛國乃著一塵周  
帀十方而盡其塵於族姓子寧能計知此塵  
數不答曰無能限焉佛言普現如來以劫之  
壽當一塵耳計塵之喻尚不足言欲知其要

如空無邊年壽劫數無以比焉於時彌勒菩薩前白佛言假使有人學於大乘爲是大智無極之慧當忍勤苦無央數劫自歸普現行菩薩法如斯大道不當懈廢佛言如是弥勒誠如所云誰有聞是無極大慧不發道意愛樂之乎唯有懈廢小節之類不解正真不樂

之耳佛說是時十千衆人發大道心於時世尊告師子步雷音菩薩言今觀文殊師利自昔所行本心志願度佛無量菩薩無數道慧高德不可思議周匝十方諸得道者不能究盡爲作譬喻時師子步雷音菩薩前白佛言假使有人立弘誓願無極之行當如文殊師



利志願等不忍勤苦行於無數劫而無懈歇  
不發勞想佛言於族姓子意趣云何虛空寧  
念我行晝夜日月時節年限劫數不答曰不  
也曰如是族姓子曉了諸法亦如虛空虛空  
寂定不念晝夜日月時節年限劫數也所以  
者何空無念思豈有勞想過江河沙劫亦無  
增損不衰不盛不壞不毀不生不老不病不  
死不去不來所以然者虛空與有假有号耳  
文殊師利名号如是其能曉了知虛空者悉  
如諸法一切無詞皆無所有便無恐怖不以  
爲勞文殊師利成佛久遠乃尔志同文殊師  
利等亦如是於是海底菩薩謂文殊師利所

被弘誓不可比喻若有學者當云何進文殊  
師利荅曰若有學我弘誓鎧者志存誓願若  
如幻化則無所有亦無所爲佛說是經時四  
大天王天帝釋梵天王及餘尊大神妙諸天  
僉然同音俱共歎曰唯然世尊其聞是經爲  
得善利無極之慶何況受持諷誦學者我當

受持諷誦修學廣爲人說普令流布將護行  
者使法久存於時師子步雷音菩薩前白佛  
言唯然世尊若有受持諷誦斯經得何福慶  
若有聞者即便發心追慕志學文殊師利竟  
則復云何乎佛言若有菩薩學是法者猶如  
如來已無罣礙若於將來最後末世則以七



寶積滿十方諸佛之國用貢上佛供養一切  
等心衆生歷劫不廢又兼法施備具六德此  
之功德又不足計不如聞是嚴淨經法發心  
慕學文殊師利謨式諷誦經行七步之內德  
過於彼巨億万倍無以爲喻不可稱計時彌  
勒菩薩前白佛言是經所名云何奉持佛語  
彌勒斯經典老号曰娛樂所願殊特當奉持  
之又名文殊師利佛土功勳嚴淨亦復名曰  
其發道心志懷悅豫當堅持之今時十方諸  
來菩薩皆散天華供養是法咨嗟文殊師利  
無量之德法澤普潤弘覆三界開心受者皆  
逮正覺前禮佛足繞佛三匝忽然不現各還

本國佛說是時化江河沙諸菩薩等立不退  
轉信是菩薩具成德本於是文殊師利有三  
昧名光普照誅訓如幻以斯定意而行正受  
適三昧已一切衆會皆見文殊師利普在十  
方不可稱計諸佛之國各各佛前文殊師利  
住立咨嗟已國嚴淨之德衆會見已歎未曾  
有文殊師利所願無盡道德巍巍超絕無比  
乃使其身徧滿十方端坐在此而不轉移威  
神功德堂堂不訾佛說如是諸菩薩衆比丘  
比丘尼清信士清信女諸天龍神阿須倫世  
間人皆大歡喜稽首佛足作禮而去

文殊師利佛土嚴淨經卷下

服

下求位  
史  
上羊朱  
反  
包  
息  
上  
玄  
若  
反



文殊師利佛土嚴淨經卷下

服

貧匱反下求位也 諛諂下上羊朱反 迥邈上玄若反

連也 乞句下音蓋 至湊下七奏反 篋藏上音帖反 鎧反

普愛二反 晃昱上胡廣反 余下 奄覆上作掩

下音臻側巾反 苾芬上類必反 僉然上七

皆不訾下反 計也 慳胡冷反 香氣也

猪飼順良寄附

